



**ДОМ НАРОДА
ПРЕДСТАВНИЧКИ ДОМ**

Комисија за избор и праћење рада
Агенције за превенцију корупције и
координацију борбе против корупције

**DOM NARODA
PREDSTAVNIČKI DOM/ZASTUPNIČKI DOM**

Комисија за избор и праћење рада
Агенције за превенцију корупције и
координацију борбе против корупције

Повјеренство за избор и праћење рада
Агенције за превенцију корупције и
координацију борбе против корупције

Број: 05/8-50-14-222-17/18

Сарајево, 30. 1. 2018.

IZVJEŠTAJ O RADU

**KOMISIJE ZA IZBOR I PRAĆENJE RADA AGENCIJE ZA PREVENCIJU
KORUPCIJE I KOORDINACIJU BORBE PROTIV KORUPCIJE
PARLAMENTARNE SKUPŠTINE BiH**

ZA 2017. GODINU

Sarajevo, januar 2018. godine

SADRŽAJ

| | |
|---|----------|
| POGLAVLJE I. UVOD | 3 |
| POGLAVLJE II. IZVJEŠTAJ O AKTIVNOSTIMA KOMISIJE | 4 |
| Odjeljak A. Sjednice Komisije | 4 |
| Odjeljak B. Razmatranje Izvještaja o radu Agencije za prevenciju korupcije i koordinaciju borbe protiv korupcije | 5 |
| Odjeljak C. Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2017. godinu | 5 |
| Odjeljak D. Druge aktivnosti Komisije | 6 |
| POGLAVLJE III. REZIME | 7 |
| POGLAVLJE IV. PRILOZI | 8 |

U skladu s čl. 9. i 10. Uputstva o metodologiji izrade izvještaja o radu komisija Parlamentarne skupštine Bosne i Hercegovine, Komisija za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH je na 17. sjednici, održanoj 24.1.2018. godine, usvojila

IZVJEŠTAJ O RADU KOMISIJE ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE PARLAMENTARNE SKUPŠTINE BiH ZA 2017. GODINU

POGLAVLJE I. UVOD

Komisija za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) nezavisno je tijelo Parlamentarne skupštine BiH s nadležnostima utvrđenim Zakonom o Agenciji za prevenciju korupcije i koordinaciju borbe protiv korupcije (u daljnjem tekstu: Zakon) i Poslovníkom o radu Komisije.

Komisija broji devet članova, od čega tri predstavnika dolaze iz Predstavničkog doma Parlamentarne skupštine BiH, tri predstavnika iz Doma naroda Parlamentarne skupštine BiH, dva predstavnika akademske zajednice i jednog predstavnika nevladinog sektora.

U mandatnom periodu 2014. - 2018. Komisiju čine:

1. Aleksandra Pandurević, predsjedavajuća,
2. Bariša Čolak, prvi zamjenik predsjedavajuće,
3. Anes Ličina, drugi zamjenik predsjedavajuće,
4. Darko Babalj, član,
5. Borjana Krišto, članica,
6. Halid Genjac, član,
7. Mirsad Isaković, član,
8. prof. dr. Ivanka Marković, članica i
9. prof. dr. Vojo Višekruna, član.

Komisiju imenuje i razrješava Parlamentarna skupština BiH.

Mandat tri predstavnika iz Predstavničkog doma i tri predstavnika iz Doma naroda Parlamentarne skupštine BiH imenovana u Komisiju traje koliko i mandat saziva Parlamentarne skupštine BiH.

Mandat dva predstavnika akademske zajednice i jednog predstavnika nevladinog sektora traje četiri godine od dana imenovanja u Parlamentarnoj skupštini BiH.

Stručnu i administrativno-tehničku podršku Komisiji za izbor i praćenje rada Agencije za prevenciju korupcije i koordinaciju borbe protiv korupcije pruža Sekretarijat Parlamentarne skupštine BiH.

U skladu s članom 18. Zakona, Komisija ima sljedeće nadležnosti:

- a) prati rad Agencije;
- b) pokreće postupak imenovanja direktora i zamjenika direktora Agencije u skladu sa Zakonom;
- c) pokreće postupak razrješenja direktora i zamjenika direktora Agencije u skladu s članom 15. Zakona;
- d) razmatra izvještaje o radu Agencije najmanje dva puta godišnje ili po potrebi;
- e) razmatra izvještaje o reviziji finansijskog poslovanja Agencije.

POGLAVLJE II. IZVJEŠTAJ O AKTIVNOSTIMA KOMISIJE

Odjeljak A. Sjednice Komisije

U izvještajnom periodu održano je sedam sjednica Komisije, kako slijedi:

- 13. sjednica Komisije - održana 6. 3. 2017.,
- 14. sjednica Komisije - održana 11. 5. 2017.,
- 15. sjednica Komisije - održana 27. 7. 2017.,
- 16. sjednica Komisije - održana 7. 11. 2017.

Na navedenim sjednicama razmatrano je ukupno 18 tačaka dnevnog reda.

Osim usvajanja zapisnika 12., 13., 14. i 15. sjednice Komisije, u okviru dnevnih sjednica Komisije, razmatrani su i:

- Izvještaj o radu Agencije za prevenciju korupcije i koordinaciju borbe protiv korupcije za 2016. godinu (sačinilac: Agencija za prevenciju korupcije i koordinaciju borbe protiv korupcije);
- Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2016. godinu (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije);
- Program rada Agencije za prevenciju korupcije i koordinaciju borbe protiv korupcije za 2017. godinu (sačinilac: Agencija za prevenciju korupcije i koordinaciju borbe protiv korupcije);
- Prijedlog izmjena i dopuna Zakona o Agenciji za prevenciju korupcije i koordinaciju borbe protiv korupcije (sačinilac: Agencija za prevenciju korupcije i koordinaciju borbe protiv korupcije);
- Razmatranje Prijedlog izmjena i dopuna Zakona o zaštiti lica koja prijavljuju korupciju u institucijama Bosne i Hercegovine (sačinilac: Agencija za prevenciju korupcije i koordinaciju borbe protiv korupcije);
- Prijedlog zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije (sačinilci: Agencija za prevenciju korupcije i koordinaciju borbe protiv korupcije i Zakonodavni sektor PSBiH);

- Prijedlog zakona o izmjenama i dopunama Zakona o zaštiti lica koja prijavljuju korupciju u institucijama BiH (sačinio: Agencija za prevenciju korupcije i koordinaciju borbe protiv korupcije i Zakonodavni sektor PSBiH);
- Prvi izvještaj monitoringa provođenja Strategije za borbu protiv korupcije 2015. – 2019. i Akcionog plana za provođenje za borbu protiv korupcije 2015. – 2019. (sačinilac: Agencija za prevenciju korupcije i koordinaciju borbe protiv korupcije);
- Informacija o radnoj posjeti Komisije Agenciji za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije).

Svaka sjednica Komisije je, u skladu s odredbama Poslovnika o radu, imala neophodni kvorum za rad i odlučivanje, koji podrazumijeva prisustvo pet od devet njenih članova.

Detaljniji prikaz održanih sjednica, broja razmatranih tačaka dnevnog reda i prisustva članova Komisije na sjednicama nalazi se u tabelama 1. i 2. priloga ovog izvještaja.

Odjeljak B. Razmatranje Izvještaja o radu Agencije za prevenciju korupcije i koordinaciju borbe protiv korupcije

U skladu s nadležnostima propisanim članom 18. stav 1. tačka d) Zakona, Komisija je tokom izvještajnog perioda na svojim sjednicama u jednom navratu razmatrala Izvještaj o radu Agencije za prevenciju korupcije i koordinaciju borbe protiv korupcije.

Izvještaj o radu Agencije za prevenciju korupcije i koordinaciju borbe protiv korupcije za 2016. godinu Komisija je razmatrala na 13. sjednici, održanoj 6. 3. 2017. Komisija je jednoglasno usvojila Izvještaj o radu Agencije za prevenciju korupcije i koordinaciju borbe protiv korupcije za 2016. godinu, te ga zajedno s pratećim mišljenjem dostavila u daljnju proceduru kolegijima domova PSBiH.

Predstavnički dom PSBiH usvojio je predmetni izvještaj o radu Agencije, sa sadržanim zaključcima, na 44. sjednici, održanoj 20. 4. 2017., a Dom naroda na 28. sjednici, održanoj 4. 5. 2017.

Odjeljak C. Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2016.

U skladu s članom 18. stav (3) Zakona, sačinjen je *Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2016. godinu*, koji je Komisija razmatrala na 13. sjednici, održanoj 6. 3. 2017.

Predmetni izvještaj, koji je izrađen u skladu s Uputstvom o metodologiji izrade izvještaja o radu komisija PSBiH, nakon usvajanja na sjednici Komisije dostavljen je u daljnju proceduru domovima Parlamentarne skupštine BiH.

Predstavnički dom Parlamentarne skupštine BiH je na 44. sjednici, održanoj 20. 4. 2017., usvojio Izvještaj o radu Komisije za izbor i praćenje rada Agencije za prevenciju korupcije i

koordinaciju borbe protiv korupcije za 2016. godinu, dok je Dom naroda Parlamentarne skupštine BiH podržao predmetni izvještaj na 28. sjednici, održanoj 4. 5. 2017.

Odjeljak D. Druge aktivnosti

U skladu sa zaključcima usvojenim u okviru Izvještaja o radu Agencije za prevenciju korupcije i koordinaciju borbe protiv korupcije za 2014. i 2015. godinu, Agencija je sačinila i Komisiji u daljnju proceduru dostavila tekstove Prijedloga zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije, te Prijedloga zakona o izmjenama i dopunama Zakona o zaštiti lica koja prijavljuju korupciju u institucijama BiH. Komisija je na 14. sjednici razmatrala predmetne prijedloge zakona, te je nakon sveobuhvatne rasprave usvojila sljedeće zaključke:

1. Zadužuje se sekretar Komisije da Zakonodavno-pravnom sektoru dostavi izmjene i dopune Zakona o Agenciji za prevenciju korupcije i koordinaciju borbe protiv korupcije i Zakona o zaštiti lica koja prijavljuju korupciju u institucijama Bosne i Hercegovine, koje je uradila Agencija za prevenciju korupcije i koordinaciju borbe protiv korupcije, kako bi ih Zakonodavno-pravni sektor uvrstio u zakone te pripremio propisanu formu prijedloga izmjena i dopuna navedenih zakona.
2. Nakon što Zakonodavno-pravni sektor pripremi zakone u poslovnikom propisanoj formi i usklađene s Jedinstvenim pravilima za izradu pravnih propisa u institucijama Bosne i Hercegovine, bit će dostavljeni svim članovima Komisije, kako bi mogli dati sugestije na prijedloge zakona, a nakon toga se i očitovati o izmjenama i dopunama Zakona o Agenciji za prevenciju korupcije i koordinaciju borbe protiv korupcije i izmjenama i dopunama Zakona o zaštiti lica koja prijavljuju korupciju u institucijama Bosne i Hercegovine, koji će posredstvom ovlaštenog predlagača biti upućeni u parlamentarnu proceduru.

Nakon što je Zakonodavno-pravni sektor, u skladu sa zaključkom Komisije, u saradnji s predstavnicima Agencije za prevenciju korupcije i koordinaciju borbe protiv korupcije, sačinio nove tekstove ova dva prijedloga zakona, Komisija ih je ponovo razmatrala na 15. sjednici. Nakon sveobuhvatne rasprave o ovim zakonskim prijedlozima, Komisija je jednoglasno usvojila sljedeće zaključke:

1. Prijedlog zakona o izmjenama i dopunama Zakona o zaštiti lica koja prijavljuju korupciju u institucijama BiH, zajedno s transkriptom s ove sjednice, upućuje se Zakonodavno-pravnom sektoru PSBiH kako bi se predmetni prijedlog zakona korigirao i u njegov tekst ugradile sugestije koje je predložila članica Komisije Ivanka Marković.
2. Zakonodavno-pravni sektor PSBiH će, u saradnji sa sekretarom Komisije, sačiniti prečišćeni tekst Prijedloga zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije, koji će sadržavati sve primjedbe i sugestije iznesene na sjednici Komisije u vezi s ovim prijedlogom zakona.

3. Prečišćeni tekstovi oba prijedloga zakona će nakon toga biti ponovo dostavljeni svim članovima Komisije kako bi na narednoj sjednici Komisija raspravljala o njima, te ih nakon toga usvojila i uputila u parlamentarnu proceduru.

U skladu sa zaključkom sa 15. sjednice Komisije, Zakonodavno-pravni sektor PSBiH dostavio je Komisiji 12. 9. 2017. Prijedlog zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije i Prijedlog zakona o izmjenama i dopunama Zakona o zaštiti lica koja prijavlju korupciju u institucijama BiH.

Komisija je na 16. sjednici, održanoj 7.11.2017., raspravljala o predmetnim zakonskim tekstovima i do daljnjeg odgodila razmatranje Prijedloga zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije.

Također, članovi Komisije odlučili su da podrže Prijedlog zakona o izmjenama i dopunama Zakona o zaštiti lica koja prijavljuju korupciju u institucijama BiH.

POGLAVLJE III. REZIME

Izvršajni period Komisije u 2017. godini obilježen je upućivanjem u parlamentarnu proceduru Prijedloga zakona o izmjenama i dopunama Zakona o zaštiti lica koja prijavljuju korupciju u institucijama BiH. Također, treba naglasiti i inicijativu Agencije za izmjenama i dopunama dva osnovna zakonska rješenja u skladu s kojima je uspostavljen njen rad – Zakona o Agenciji za prevenciju korupcije i koordinaciju borbe protiv korupcije i Zakona o zaštiti lica koja prijavlju korupciju u institucijama BiH.

Članovi Komisije su po okončanju 16. sjednice Komisije u formi ovlaštenih predlagača uputili Prijedlog zakona o izmjenama i dopunama Zakona o zaštiti lica koja prijavlju korupciju u institucijama BiH domovima PSBiH u parlamentarnu proceduru, s prijedlogom da se razmatra po osnovnom zakonodavnom postupku.

PREDSJEDAVAJUĆA KOMISIJE
Aleksandra Pandurević

Dostavljeno:

- naslovu,
- a/a.

POGLAVLJE IV. PRILOZI

Tabela 1.

| Broj i datum održavanja sjednice | Broj razmatranih tačaka dnevnog reda | Prisustvo članova sjednicama Komisije |
|---|---|--|
| 13. sjednica 6. 3. 2017. | 7 | 7 članova |
| 14. sjednica 11. 5. 2017. | 4 | 6 članova |
| 15. sjednica 27. 7. 2017. | 3 | 6 članova |
| 16. sjednica 7. 11. 2017. | 4 | 8 članova |

Tabela 2.

| Ime i prezime člana Komisije | Broj i datum održavanja sjednice | | | |
|-------------------------------------|---|---------------------|---------------------|---------------------|
| | 13. sjednica | 14. sjednica | 15. sjednica | 16. sjednica |
| Aleksandra Pandurević | - (op) | + | + | + |
| Bariša Čolak | + | - (op) | + | + |
| Anes Ličina | + | + | + | + |
| Borjana Krišto | + | - (op) | + | + |
| Halid Genjac | + | + | - (op) | + |
| Darko Babalj | + | - (op) | - (op) | -(op) |
| Ivanka Marković | + | + | + | + |

| | | | | |
|----------------------------|--------|---|--------|---|
| Mirsad Isaković | - (op) | + | - (op) | + |
| Vojo Višekruna | + | + | + | + |